

## Javni poziv za sufinansiranje implementacije programa *Stariji brat, starija sestra*

Dana 30.08.2021. godine *Fondacija za podršku i razvoj mentorskih programa Stariji brat, starija sestra* raspisuje javni poziv za sufinansiranje implementacije programa *Stariji brat, starija sestra*.

Cilj poziva je osigurati podršku za implementaciju mentorskih programa koji su usmjereni na pomoć djeci u riziku u različitim lokalnim zajednicama širom Bosne i Hercegovine.

### Program *Stariji brat, starija sestra*

*Stariji brat, starija sestra* je mentorski program kroz koji se spajaju volonter\* (stariji brat/sestra) i dijete (mlađi brat/sestra) s ciljem razvijanja kvalitetnog, brižnog i podržavajućeg odnosa. Taj se cilj ostvaruje putem dva oblika:

- rad volontera s djetetom i
- rad stručnjaka s volonterima.

Program je namijenjen djeci uzrasta 6-14 godina koja potiču iz porodica sa narušenim odnosima i specifičnih rizičnih životnih okolnosti, te djeci sa poteškoćama u razvoju, dok su volonteri mlade osobe 20-30 godina starosti.

Program *Stariji brat, starija sestra* djeci pruža podršku kroz druženje sa volonterima, koji su obučeni za mentorski rad i svoje uloge „starije braće“ ili „starijih sestara“. U okviru programa djeca se individualno druže sa volonterima koji im postaju modeli za razvijanje pozitivne slike o sebi, kvalitetno provođenje slobodnog vremena i koji ih podržavaju u razvoju životnih vještina i širenju socijalne mreže. Tokom druženja djeca i volonteri najradije odlaze u kino, šetnje, na kolače, kuglanje, klizanje, a posebno zadovoljstvo su im zajednički izleti i kreativne radionice na kojima se ostvaruju prijateljstva s drugom mlađom braćom i sestrama.

Više detalja o načinu implementacije programa sadržano je u *Standardima za implementaciju programa*, koje zainteresovane organizacije mogu dobiti na upit.

Savjetujemo organizacijama koje po prvi put planiraju realizirati program *Stariji brat, starija sestra* da se jave Fondaciji za više informacija kako bi dobili uvid u sve aktivnosti u sklopu programa.

### Uvjeti i procedure za apliciranje

Na ovaj poziv mogu se prijaviti sve nevladine organizacije sa područja Bosne i Hercegovine, koje imaju iskustva u rada sa djecom u riziku i/ili djecom sa poteškoćama u razvoju, te volonterskim grupama mladih.

Fond namijenjen implementaciji programa *Stariji brat, starija sestra* je ograničen i bit će raspoređen na osnovu rang liste pristiglih aplikacija.

Sredstva za sufinansiranje programa *Stariji brat, starija sestra* koja se mogu potraživati ovim pozivom su određena posebnim algoritmom sa definisanim minimalnim i maksimalnim iznosom, u odnosu na broj uključene djece i volontera u program. Za organizacije koje prvi put apliciraju, maksimalan broj parova djece i volontera je 15.

Minimalni iznos sredstava je **5.000 KM**

Maksimalni iznos sredstava je **15.000 KM**

Sredstva koja se potražuju za sufinansiranje mogu iznositi maksimalno **70% od ukupne vrijednosti projekta**. Aplikant je dužan osigurati ostala sredstva iz vlastitih izvora ili od drugih donatora.

Sufinansiranje se odnosi na programski ciklus 2021./2022., a sve aktivnosti se trebaju realizirati u periodu **od 01.10.2021. do 30.06.2022.**

U sklopu procesa apliciranja, svi aplikanti su dužni dostaviti kopiju rješenja o registraciji udruženja, te bilans stanja i uspjeha za prethodnu godinu, kao i kratki CV/biografiju koordinatora i osobe zadužene za savjetodavni rad sa volonterima (ukoliko ta osoba nije koordinator projekta).

Sredstva dodijeljena unutar ovog poziva mogu financirati osoblje i administrativne troškove do **najviše 35% od traženog iznosa**. Preostalih 65% sredstava mora biti korišteno za programske aktivnosti projekta.

Aplikanti mogu, ali ne moraju imati partnera u projektu. Partneri u projektu mogu biti druga udruženja, obrazovne, socijalne i druge ustanove. Ukoliko aplikanti imaju partnere, potrebno je u aplikacionoj formi dostaviti i sporazum o saradnji.

Udruženja koja budu odabrana za implementaciju će pregovarati sa Fondacijom o načinu utroška planiranih sredstava, a u skladu sa *Standardima za implementaciju programa*. Primjena *Standarda* je obvezujuća za sva udruženja kojima će biti dodijeljena sredstva.

### Način i rok dostavljanja projektnog prijedloga

Aplikaciona forma se popunjava online na linku: <https://forms.gle/EkjMdnfPdJPrSiG5A>

Rok za apliciranje je **19.09.2021. godine do 00:00 sati**.

Nepotpune aplikacije, aplikacije koje pristignu nakon navedenog roka, aplikacije koje ne budu dostavljene na predviđeni način, neće biti uzete u razmatranje.

## Evaluacija pristiglih prijedloga i odabir organizacija implementatora

Selekcijski proces se sastoji od popunjavanja online aplikacije, a organizacije koje zadovolje tehničke kriterije će biti pozvane na razgovor, nakon čega će komisija donijeti konačnu odluku.

Komisiju za evaluaciju projektnih prijedloga će činiti deset osoba i to:

- pet članova Upravnog odbora Fondacije
- Izvršna direktorica Fondacije
- Stručna saradnica za razvoj i kvalitet
- dva predstavnika volontera Fondacije
- predstavnik Osnivača Fondacije

Svi aplikanti će biti obaviješteni putem e-mail o ishodu njihove aplikacije najkasnije 30 dana od zatvaranja javnog poziva.

Za zainteresovane organizacije bit će organizovan **Info Zoom sastanak 9.9.2021. u 11h.** Prijave za info sastanak dostupne na linku: <https://forms.gle/hMG3nmcTDgHu421x5>

Sva pitanja vezana za ovaj javni poziv možete uputiti putem emaila: [info@mentorstvo.ba](mailto:info@mentorstvo.ba) ili putem telefona 062 959 186 najkasnije do 15.9.2021. godine do 15h.

\* Fondacija Stariji brat, starija sestra promovira rodno korektan/senzitivan jezik. U tekstovima u kojima se koristi samo jedan rod, a iz konteksta je jasno da se odnosi na oba roda, razlog korištenja jednog roda je ustupak lakšoj čitljivosti teksta.

